

Headline	Persidangan Antarabangsa Sejarawan Asia 2014		
MediaTitle	Berita Harian (Utara)		
Date	23 Dec 2013	Language	Malay
Circulation	231,163	Readership	1,368,000
Section	Berita	Color	Black/white
Page No	N7	ArticleSize	128 cm ²
AdValue	RM 1,295	PR Value	RM 3,885



Persidangan Antarabangsa Sejarawan Asia 2014

Persidangan Antarabangsa Sejarawan Asia (IAHA) 2014 akan diadakan di Alor Setar, bermula 23 hingga 27 Ogos, manakala ahli akademik dan sejarawan yang berminat membentangkan kertas kerja boleh menghantar abstrak sebelum 31 Januari ini dan kertas kerja penuh (30 Mac).

Persidangan bertemakan 'Sejarah, Pensejarahan dan Warisan Asia: Menguruskan Pengalaman dan Masa Depan' itu menampilkan ucapnama Perdana Menteri, Datuk Seri Najib Razak.

Ucapnama turut disampaikan Profesor Universiti Utara Malaysia (UUM), Prof Emeritus Dr Ranjit Singh; Profesor Jabatan Pengajian Strategik dan Antarabangsa Universiti Malaya (UM),

Prof Datuk Dr Mohamad Abu Bakar dan Pesuruhjaya Warisan Negara, Prof Emeritus Datin Zuraina Majid.

Subtema persidangan

Subtema persidangan itu merangkumi sejarah dan pensejarahan dalam konteks masa lalu, masa kini dan masa depan; kesinambungan dan perubahan politik, sejarah perniagaan daripada amalan tradisi kepada moden serta masyarakat majmuk dan tempatan di Asia.

Ia turut dibuka kepada subtema pemuliharaan warisan dan budaya, cabaran baru dalam disiplin sejarah, perspektif baru terhadap seni bina dan pelancongan Asia, biografi wira yang

tidak didendang, agama dan kepercayaan terhadap pembangunan manusia.

IAHA 2014 turut membabitkan subtema perspektif baru terhadap idea dalam sastera, penjahajahan dan ketamadunan serta sejarah dan hak milik awam.

Persidangan itu bertujuan mempertemukan sejarawan dan sarjana untuk membincang, menyelidik dan mengambil tindakan lanjut terhadap isu sejarah, pensejarahan serta warisan di Asia, sekali gus menyediakan peluang untuk jalinan kerjasama serta perhubungan antara ahli akademik antarabangsa.

IAHA 2014 dianjurkan UUM dan Persatuan Sejarah Malaysia (PSM), untuk maklumat lanjut hubungi Dr Solahuddin Abd Hamid di talian 04-9285592; faks 04-9285616; e-mel solah@uum.edu.my atau Zulhilmi Paidi (04-9285586/04-9285616/zul1085@uum.edu.my).